



Nastavljeno suđenje organizatorima prostitucije u Sarajevu

Usluge djevojaka koristili Turci i Arapi

Svjedočila Lejla Osmanagić, koja je radila na recepciji hotela "Imzit" na Ilidži

U Kantonalnom sudu u Sarajevu, pred Sudskim vijećem kojim predsjedava sutkinja Rozita Šimić, jučer je nastavljeno suđenje Samiru Kurtoviću, koji se tereti za krivična djela navodjenje na prostituciju, pranje novca, silovanje, nanošenje lakih povreda te nedozvoljeno posjedovanje municije. Na optuženičkoj klupi su i Omer Nargalić, koji se tereti za nedozvoljeno držanje i nošenje oružja i municije, te Nemanja Janković, policajac PU Ilidža, koji je optužen da nije prijavio Kurtovića, kao i da je za sebe i prijatelja

iskoristio usluge Kurtovićevih prostitutki, koje je platio 350 maraka.

Crno vozilo

Lejla Osmanagić, koja je jučer putem audiorekordera svjedočila iz druge prostorije, kazala je da je od 2012. godine radila na recepciji hotela "Imzit" na Ilidži. Prema njenim riječima, ona je Kurtovića prepoznala iz novina, a često je dolazio u hotel s muškarcima i ženama.

- Nekad ih je bilo dvoje, a nekad troje ili četvero. Samir bi dolazio pa se vraćao za pola sata, sat. Nekad je on

plaćao sobe, nekad djevojke ili muškarci, kako-kad. On je te djevojke dovozio i odvozio. Vidjela sam kako izlaze iz njegovog crnog vozila. U prolazu sam čula imena dvije djevojke Milica i Ceca. Muškarci su bili strani državljani, a prema naglasaku moglo se zaključiti da su Turci i Arapi. Dnevni boravak u sobi koštao je 30 KM - kazala je, između ostalog, Osmanagić.

Dodala je da je Kurtovića vidala nekad jednom sedmično, nekad jednom mjesečno, jer je radila u smjenama.

Tokom unakrsnog ispitivanja svjedokinja je kazala da nikad nije primijetila ništa što bi upućivalo na nasilje ili neko drugo krivično djelo pa zbog toga ništa nije prijavila. Nadalje je ispričala da korisnicima dnevnog boravka u hotelu, prema pravilniku hotela,



Detalj s privođenja Samira Kurtovića

nije dužna uzimati lične dokumente. Indira Karahodžić, braniteljica Kurtovića, pitala je svjedokinju zna li da stranim državljanima mora uzeti lične podatke. Svjedokinja je negativno odgovorila.

Ona je dodala da je vidala ispred hotela policijska kola koja su obilazila oko hotela.

Razdvojen postupak

Prije početka jučerašnjeg ročišta sutkinja Šimić kazala je da se Melisi Seho-

vić zvanaj Ceca, koja je optužena da je u dogovoru s Kurtovićem pružala seksualne usluge te zajedno s njim organizirala druge djevojke radi pružanja seksualnih usluga, razdvaja postupak.

A. KAPO

Odbrane se protivile

Inače, Karahodžić i Kadrija Kolić, koji je jučer bio branilac i Nargalića i Janković, protivili su se da svjedokinja daje iskaz iz druge prostorije, ali je sut-

kinja Šimić odbila njihov prigovor. Karahodžić je tražila da se odbranama dostavi podnesak o razlozima takvog načina saslušanja svjedokinje.